

18

I. N. J.  
DISSESTITO ACADEMICA  
DE  
**U S U**  
LITTERARUM HUMANIORUM  
IN  
**S A C R A**  
**HERMENEUTICA,**

Ex Suff. Ampl. Facult. Phbil. in Illust. Acad. Aboënsi,  
Sub PRÆSIDIO

VIRI Maxime Reverendi atque Celeberrimi  
**D. NI ISAACI ROSS,**  
S. S. L. L. PROFESS. Reg. & Ord.

nec non  
FAC. PHILOSOPH. h. t. DECANO Maxime Spectabili.  
PRO LAUREA

*Publico Examini modeste subjicit*  
**JOHANNES GRAHN,**

V. D. M.

TAVASTENSIS,

In Auditorio Majori die XXII. Maii, A: i MDCCLX.  
H. A. M. S.

---

ABOË, Impressit DIRECT. & TÝPOGR. Reg. Magn. Duc.  
Finland. JACOB MERCKELL.

*Summe Reverendo atque Amplissimo VIRO,*

**DOMINI G A B R I E L I  
F O R T E L I O ,**

S. S. Theol. DOCTORI & Diceceseos Borgoënsis  
**ARCHIPRÆPOSITO** dignissimo, Templi cathe-  
tralis **ANTISTITI** Adcuratissimo & Consistorii  
Ecclesiastici **ADSESSORI** primario  
æquissimo

**M A E C E N A T I M A G N O .**

**C**Ujus.

Omnes. Vitæ. Partes.

Admiranda. Plane. Harmonia.

Veram. Et. Vivam.

Imaginem.

Boni. Viri.

Cordati. Theologi.

**ET.**

Magni. Oratoris. Sacri.

Exprimunt.

**Huic.**

Huic.

Egena. Mea. Musa.

Levissimum. Hocce. Munusculum.

Offert.

Ut.

Certum. Exhibeat. Signum.

Grati. Animi.

Ob.

Plurima. Sibi. Collata.

Beneficia.

Quorum.

Jucundam. Memoriam.

Verbis. Et. Factis.

Quoad

Vixerit. Et. Poterit

Recolet.

## AMPLISSIMI NOMINIS TUI

*cultor devotissimus*  
JOHANNES GRAHN.

Kongl. Maj:ts

Tro-Tjenare och Borgmästare i Borgå Stad,  
Adel och Sögaktad


# Herr GABRIEL HAGERT,

Min Högtbenagne Gynnare.

Bland de lagar, som Naturens HERRE inskrifvit uti de dödligas  
hertan, är ingen som allmänligare blifvit hållen i helgd, än den,  
som befaller oss visa tacklant sinne för undfängna välgärningar. En o-  
tacksam människa är i sanning den tyngsta börra, som jorden bär på si-  
na starka skuldror, och man undrar billigt at hon icke genast skalar sā-  
dana besvärliga missfödsel utaf sina menlösa axlar. Sådant borde vårc-  
keligen mitt bde blifwa, om jag någonhin skulle förgäta at wörda Herr  
Borgmästarens wördans-wärda person, för den stora ynnest och de marg-  
fallige välgärningar som Herr Borgmästaren behagat låta mig wederf-  
ras. Jag kan med skäl säga, at Herr Borgmästarens bewägenhet at un-  
dersödja wett och dygd gifwer lika som en ny Glants åt des öfriga  
förtjenster, hwilka en tacksam allmänhet aldrig lärer förgäta at berömma, sā länge hon ärklänner för en angenäm skyldighet at ära och prisja  
sådane man, som med wett och drift försvara laglig frihet, hägna o-  
skuld, ahna sielstvåld och uti alla både råd och dåd sätta allmän trefnad  
och sälhet fram för egen winsh och enfild båtnad. Täckt Högtbenagne  
Gynnare, att detta ringa arbete, som jag nu har åran at med wörd-  
sam hand framhära, får vara ett bewis til min tacksamhet och et witne  
til min ärklänsa, til thes försynen förlänar mig bättre tillfälle at visa,  
huru högt jag skattar Edra välgärningar. Emedeltid stal det vara och  
blifwa en af mine glädaste plichter, at sända trogna böner til den oldra  
Högste, at han täckes förläna Herr Borgmästaren en läng och säll lefnad  
som öfverflödar af all andelig och lekamlig välsignelse, hwilket alt jag  
af troget hjerta önskar må sā sakert blifwa Herr Borgmästarens del och  
lott, som jag har den åran at med ständig wördnad til mit fösta fram-  
handa.

Ädle och Högaktade Herr Borgmästarens

Ödmjukaste tjenare  
JOHAN GRAHN.



A. u. I.  
§. I.



Uamvis invicta sit veritas, quod  
Sacræ Litteræ nativa quadam per-  
spicuitate gaudeant, inde tamen  
non sequitur, quod superflua sit  
diligentia, quæ in acquirenda &  
adPLICANDA arte Hermeneutica po-  
nitur. Multæ enim cauſſæ adsunt,  
quæ id efficiunt, ut nobis minus distincte pateant  
interdum oracula Scripturæ, quæ primis ejus lecto-  
ribus fuerunt planissima. Primum quidem nemini  
ignotum esse potest, quod Sacra Pagina primitus  
consignata sit idiomate nobis peregrino, quod tot pon-  
dera habet, quot vocabula, ut nulla plane versio ad-  
ornari possit ab hominibus, quæ hæc omnia adcu-  
rate & adæquate exprimat exhauiatque. Deinde  
tanquam hortus quidam amœnissimus & flavissimus  
perpetuis ridet flosculis Oratoriis, qui haud parum

A.

distant

distant a nostrarum lingvarum consuetudine, & quorum proinde venustatem & majestatem non adsequuntur, qui eos in loco natali, seu in ipsis fontibus, intueri nequeunt. Tandemque in singulis fere formulis occurunt elegantissimæ & jucundissimæ allusiones ad peculiaria quædam instituta, quæ hodie in desuetudinem abierunt, & proinde non possunt non plurimam obscuritatis materiam indoctis interpretibus præbere. Hinc patet, tanto quemque clarius & certius verum Scripturæ sensum adsequi posse, quanto felicius *Litteras Humaniores* coluerit, quo nomine *Grammaticam*, *Rheticam* atque *Histriam* intelligi, constat. Nos igitur operaæ pretium fore existimavimus, si specimine quodam Academicō, pro virium modulo, paulo distinctius exponeremus insignem illam utilitatem, quam singulæ hæ disciplinæ ad facultatem Hermeneuticæ Sacræ conferunt. Atque illud est, quod paucis his pagellis præstare fategimus. Si tibi Lector benevole non displicuerit institutum, habebimus, de quo nobis in sinu gratalemur: Interea, qua decet, observantia rogamus, ut si quid infra tuam substiterit expectationem, id in meliorem interpreteris partem.

## §. II.

**I**NITIUM facere placet a GRAMMATICA, quippe quæ, in hoc quidem negotio, reliquis omnibus subsidiis palmam præripit. Primum quidem eo nomine laudem meretur sobrium Grammatices studium, quod genuinas vocum S:æ S:æ origines detegat,

detegat, coque ipso nativas earum emphases pandat. Ex his enim incredibile dictu est, quantum utilitatis in rem Hermeneuticam redundet. Primum rei exemplum præbebit nomen divinum יהוה, quod tantum continet *emphaseos*, ut in nulla alia lingua una voce exprimi possit. Vi enim *etymi* & *forme* eum notat, *qui est*, *qui fuit* & *qui futurus est*. Huic cognatum est nomen אֵחֶל, quod *futurum*, seu *erit* *futurum* dicit, eamque signat personam divinitatis, quæ *aliquid olim futurus erat*, *quod prius non fuerat*, quod expresse signat filium Dei unigenitum, qui in plenitudine temporis homo erat futurus, in que sua humanitate genus humanum liberaturus a servitute diaboli, cuius rei typus erat nuper futura liberatio gentis Israëliticæ a jugo servitutis Ægyptiacæ. Has ἑρεμίας horum nominum sola eruit Grammatica, ut operam & oleum perderet, qui eas, neglecto hoc subsidio, aliunde exsculpere laboraret. Quis igitur non videt, quam vehementer errant, qui hanc artem in rebus minimis habent? Deinde eum usum præstat solida notitia Grammatices, ut distincte intelligatur, qua ratione differant eæ dictiones, quæ vim eandem habere videntur, quod saepè plus refert novissime, quam plaustra subtilitatum philosophicarum. Exemplo sint nomina מִלְעָד & בְּתֻלָּה. Horum utrumque materialiter virginem significat, & eatenus alterum cum altero facile confundi potest; formaliter vero hæc valde dissimiles habent notiones. Illud enim *obsignatam* i. e. veri nominis virginem, cuius pudicitiae claustra nemo adhuc violavit;

vit; hoc vero duntaxat segregatam designat, i. e. fœminam juvenculam, quæ more orientalium adhuc in gynæconitide a libero virorum consortio remota atque reclusa detinetur, sive illibata, sive deflorata de cetero existat. Atque hæc obliteratio magni est momenti, prætertum in Disputationibus adversus Ju-dæos de matre Immanuelis ad Ef. VII: 14.

### §. III.

**S**i a nominibus ad *verbū* pedem promovere velimus, facile inveniemus aptam natamque esse **GRAMMATICAM** ad multos solvendum nodos, quorum nexus alias ne gladio quidem Alexandrino separari posset. Ut hoc probemus, sufficit ad solam *indolem conjugationis Hiphil* provocasse. Nota est pugna inter Lutheranos & Pontificios de vera ratione justificationis hominum peccatorum coram Deo, quam illi in *justitia imputata*, hi in *justitia infusa* ponunt: illam vero totam feliciter tollere potest unica hæc regula: *Verba Hebræorum Hiphiliticæ sepius non efficiendi, sed declarandi significationem habent.* Hanc regulam diligenter inculcarunt nostrates tum Theologi, tum Philologi, adeo ut jam pueris etiam notum sit, quod verbum חִזְרֵי non *infundendo* habitum *justitiae*, sed *imputando* meritum Christi actum illum absolvi edoceat, quem nomine *justificationis* insignire solemus. Nec ignota sunt certamina, quæ Lutheranis cum Reformatis intercesserunt circa *absolutum Numinis decretum de salvandis*

&amp;

\* \* ) 5 ( \* \*

& damnandis hominibus. In his enim certaminibus  
crebro provocant Reformati Theologi ad exemplum  
*Pharaonis*, quem Deus dicitur *excitasse & indurasse*,  
quibus recte opponitur observatio Grammatica, vi  
cujus verba activa interdum duntaxat permisive  
sumuntur. Hinc cum Deus Pharaonem indurasse legi-  
tur, facile intelligitur, id factum esse non positive, sed negative i.e. non immittendo ferociorem animi malitiam, sed  
subtrahendo uberiorem gratiae mensuram. Sic inducere  
in temptationem Matth. VI: 13. significat temptationem  
permittere confr. Jac. I: 13. 1. Cor. X: 13. excæcare  
Ez. IV: 10. est excæcationem permittere confr. Act.  
XXVIII: 27. Adhuc illustriorem Grammaticæ uti-  
litatem demonstrare possemus, si ad idiotismos syn-  
tacticos progredi liceret, verum cum id prohibeat  
proposita brevitas, hæc pauca delibasse sufficiat.

#### §. IV.

**A**D RHETORICAM itaque pergimus. Hujus u-  
sum ostensuri, brevitatis causa, respectum ha-  
bemus tantum ad tropos Lingvæ Sanctæ proprios,  
qui in alias transfusi lingvas partim nativam gratiam  
amittunt, partim sensum pariunt obscurum. Sic pe-  
culiaris METONYMIA latet in exemplis sequenti-  
bus: peccatum portare Exod. XXVIII: 43. pro pœnam  
peccati luere. Peccatum comedere, pro sacrificium,  
seu oblationem pro peccato comedere Hos. IV: 8.  
peccatum aliquem facere, pro peccati sacrificium ex-  
piatorium facere confr. Ez. LIII: 10. Eph. V: 2.

\*\*\* 26 \*\*\*

2. Cor. V: 21. Sic etiam hæ formulæ: non scio quod facio, pro non probo. Rom. VII: 15. confr. Ps. CI: 4. Joh. VIII: 43. Scire pro amare, curare, fovere Ps. I: 6. Ex I: 8. 1. Thes. V: 12. Silva pro domo Jer. XXI: 14. XXII: 7. Coll. 2. Reg. XXV: 9. Gloria pro lingva Ps. XVI: 9. Coll. Act. II: 26. Vita pro mediis vitam sustinendi Deut. XXIV: 6. Prævaricatio Jacobi i. e. caussa prævaricationis, Mich. I: 4. Hæc est vita æterna i. e. caussa vitæ æternæ Joh. XVII: 3. Facere alicui domum i. e. familiam augere Exod. I: 21. Ps. XLIX: 12. mors & sepulchrum pro mortuis & sepultis Ps. VI: 6. CXV: 17. cælum pro Deo Ps. LXXXIII: 9. Dan. IV: 23. Matth. XXI: 25. Præfectus pro præfectura Matth. II: 6. confr. Mich. V: 2.

### §. V.

**D**Einde peculiares quoque METAPHORÆ occur-  
runt in Sacris Litteris, quarum lepor & valor  
minus sentitur in versionibus. Huc pertinent, inter  
alias, quæ sequuntur: Elevare lucem faciei super a-  
liquem, pro gratiam exhibere Ps. IV: 7. Oculus  
Dei parcit i. e. gratiōse respicit, Hez. XX: 17. Ex-  
scindi ab oculis Dei i. e. gratia privari Ps. XXXI: 23.  
Extendere manum significat pœnam irrogare Ex. VII: 5.  
Ez. V: 25. Manum reducere notat plagam avertere  
Hes. XX: 22. Manus aggravari dicuntur, cum  
gravius quis alterum castigat Ps. XXXII: 4. & al-  
levari, cum mitius corripit. 1. Sam. VI: 5. Ad pedes  
sedere

sedere est discipulum esse Act. XXII: 3. Locus  
pedum Dei dicitur Ecclesia, quia ibi gratiosa sua  
præsentia, sedet quasi doctor, seque audientes reddit  
Ecclesiastes Es. LIV: 13. & Joh. VI: 45. שְׁנָא ani-  
ma & רַוחַ spiritus abbreviari dicuntur, ubi indi-  
candum est oppositum patientiæ & longanimitatis. e.  
impatientia & indignatio Jud. XVI: 16. Job. XXI:  
4. Mich. II: 7. unde, & vi contrariorum, tardus ad  
iram dicitur longus narium, vel potius spirationis,  
quia נִזְבֵּן formaliter spirationem notat Exod.  
XXXIV: 6. consolationem accipere ultiōrem sume-  
re Es. I: 24. Ez. V: 13. Decalvare caput est or-  
namentis spoliare & ignominiae exponere Es. III: 17, 24.  
Cor post oculum abire dicitur, quum quis sui ipsius  
desideria carnalia sequitur Job. XXXI: 7. Opus  
oleæ Hab. III: 17. & mustum Os. IX: 2. mentiri di-  
citur, cum hominum exspectationem fallit.

## §. VI.

**P**Ræterea ad solidam *Hermeneuticæ* peritiam hand  
parum adjumenti confert cognitio peculiarium  
SYNECDOCHON, quæ passim in Sacris Pandectis  
occurruunt, in primis earum, quæ a genio lingua-  
rum Europæarum paulo longius abhorrere videntur.  
Huc referri debere putamus illos loquendi modos,  
qui PARTEM PRO TOTO ponunt. v. g. cum pro  
toto homine ponitur vel *anima*, ut Gen. XII: 5.  
Jof. XX: 3. Act. II: 41. vel *corpus* ut Rom. XII: 1.  
I. Cor. VI: 15. &c. vel *pars etiam corporis*, ut  
caro

caro Gen. VI: 12. Es. XL: 6. *Sangvis* Ps. XCIV: 21.  
 Math. XXVII: 4. *Caput* 2. Reg. II: 3. Ps. III: 4.  
 VII: 17. *Cranum* Exod. XVI: 16. *Facies* 2.  
 Sam. XVII: 11. 1. Reg. II: 20. *Oculus* Ps. XVIII: 28.  
 Prov. VI: 17. Matth. XIII: 16. *Os* Prov. VIII: 13.  
*Venter* Tit. I: 12. Phil. III: 19. *Uterus*, *pro muliere*  
 Jud. V: 30. *Cor* Gen. XXXI: 26, 27. Luc. XXI: 34.  
*Pedes* Prov. I: 16. VI: 18. Rom. III: 15. X: 15.  
 Peculiares etiam locutiones sunt, in quibus vel ne-  
 mo pro paucis & nihil pro parum adhibetur ut: Te-  
 stimonium ejus nemo accipit i. e. *pauci* Joh. III: 32.  
 coll. V: 33. Nihil accepimus i. e. *parum* 2. Thess.  
 III: II. vel multi *pro omnes*, ut portabat peccata  
*multorum* Es. LIII: 12. i. e. *omnium* confr. v. 6. 2.  
 Cor. V: 15. *Multi*, qui in terræ pulvere dormiunt,  
 evigilabunt Dan. XII: 2. i. e. *omnes* confr. Joh. V:  
 28. *Multi* sunt vocati &c. Matth. XX: 16. conf.  
 v. 28. Hic est *sangvis* meus, qui effundetur pro *multis*  
 Matth. XXVI: 28. Rom. V: 15, 18. Sic ubi vir po-  
 nitur pro quovis homine ut Psalm. I: I. XXX: I.  
 Hiob. II: 4. Huc etiam pertinent hæc exempla: *Pax*  
 pro *omnis* generis felicitate Rom. II: 10. *Mandatum*  
 pro *universa* doctrina cælesti 2. Pet. II: 21. *Sangvines*  
 רַמִּים, cædes cruenta, pro quovis gravi delicto Ps.  
 LI: 16. Potum præbere pro, alere 1. Cor. III: 2., Pa-  
 nem frangere, pro cibum sumere Es. LVIII: 7. sedere  
 & surgere, pro quibusvis vitæ actibus Ps. CXXXIX: 2.  
 Vidua & orphanus, pro quibusvis afflictis Exod.  
 XXII: 22. Honorare patrem & matrem pro hono-  
 rare quosvis superiores Exod. XX: 12.

\* \* ) 9 ( \* \*

### §. VII.

**P**Edem jam ulterius promovemus ad HISTORIAM, ex qua tantum utilitatis in nostrum studium redundat, ut vastum volumen necesse haberemus consignare, si vel potiores vellemus attingere, non dicam exhaudire. Quæ igitur hic adducere possumus, eo tantum erunt comparata, ut salivam moveant Lectoribus. Est autem *Historia* vel SACRA vel PROFANA, quarum illa in *Biblicam* & *Ecclesiasticam* hæc in *Naturalem*, *Civilem* & *Philosophicam* dispescitur. De usu singularum seorsim. Quod Historiam BIBLICAM attinet, ut ab ea incipiamus, ea præcipuum Exegetæ utilitatem præstat, quippe quæ lucem fœneratur iis locutionibus, in quibus Spiritui Sancto alludere placuit ad dicta & facta, quæ in *Sacris Litteris* referuntur: sic, ut rem exemplis declaremus, formula פָלָג לְשׂוֹנָה divide lingvam eorum Psalm. LV : 10. alludit David ad Gen. XI : 7. Ubi Moses de confusione lingvarum Babelica narrat. Hinc sensus formulæ est: excita inter eos dissidium, ut scelerata eorum consilia disturbentur, quemadmodum factum est in confusione Babelica, ubi tumidi turris architecti, divisis lingvis, ab opere faciendo desistere cogebantur. Psalm. CIX : 10. בָּרוּ יְנוּעוּ בְּנֵי divagando divagentur filii ejus, respicitur ad pœnam Caini, quam hoc ipso verbo enunciat Deus Gen. IV : 11 : 12. Conferantur præterea loca sequentia Ef. I : 7. cum Deut. XXVIII : 33. Es. LXVI : 17. cum, Lev. XI : 7, 29.

## §. VIII.

**Q**UOD HISTORIA ECCLESIASTICA multis Scripturæ dictis rectius & clarius intelligendis inserviat, innumeris rerum documentis adstruere possemus. Studio brevitatis adducti unum vel alterum quasi in gustum adferre volumus. Sic Matth. XXIII: 5. Minus intelligitur, quid sibi velint phylacteria, quorum ibi mentio injicitur, nisi lucem accendant Historia. Erant autem phylacteria peregrinæ quædam membranæ vel chartulæ, quibus Phariseis mos erat certa Scripturæ dicta inscribere. Has deinceps manibus vel frontibus adpensas gestare solebant, tamquam legis divinæ memorialia quædam conservatoria. Quo autem quisque volebat videri religiosior, eo ampliora gerebat phylacteria, nihil interim de lege cordi inscribenda & dictis atque factis exprimenda cogitans. Qualis vero fuerit sanctitas phariseorum, vix clarius constare potest, quam ex Matth. XV: 5. coll. Marc. VII: 11. sed tum demum, cum hæc loca suo lumine collustravit Historia. Pharisei enim, non sine specie singularis pietatis, persuadebant simplicioribus, ut, quidquid possiderent, ærario templi devoverent. Hinc si accideret, ut deinceps parentes eos adirent debitum almoniæ, quæ sub verbis Exod. XX: 12. comprehenditur, postulantes, docebant licere filiis respondere κορθαν, quo significarent, se amplius non posse parentum inopiam sua copia sublevare, quippe cum sua omnia DEO devoverant, ut non amplius haberent. Quod si vero

ro nunc, ut antea, parentes, suis opibus, juvarent, docentibus Pharisæis, metuebant, ne rei fierent voti violati secundum Num XXX: 3. vid. Matth- V: 33.

### §. IX.

**H**ISTORIÆ NATURALIS in *re Hermeneutica* latius patet usus, quam ut his pagellis rite exponi possit. Liceat igitur eundem exemplis per paucis utcunque ostendere. In genere loquendo ex hac parte Historiæ suo quasi jure lucem postulant omnia ea oracula, in quibus ignoratio rerum naturalium aliquid adfert impedimenti, quo minus vel clarus habetur sensus vel nativa sentiatur *έργασια*, in specie vero quæ ita sunt comparata, ut sine hoc adjumento prorsus non patere videantur. Exempla præbent loca quæ *Io METAPHORAS* illustriores ex rebus naturalibus desumptas continent ut: sepeliri sepultura asini Jer. XXII: 19. i. e. projici infepultus coll. 2. Reg. XIX: 37. Jer. XVI: 4. Equus absorbet terram i. e. celerrime emetitur viam Job. XXXIX: 24. confr. Hab. I: 9. Decervicare altaria i. e. diruere Hos. X: 2. Avolare i. e. Mori Psalm. XC: 10. decaudicare hostes i. e. extremum exercitus agnem cædere Jos. X: 19. Pingvefacere cor populi i. e. obdurare, vel potius annunciare fore ut induretur El. VI: 10. Inebriari pingvedine domus Dei i. e. bonorum cœlestium copia ditari Psalm. XXXVI: 9. Illo ALLEGORIAS, quas hujus generis Metaphoræ ingrediuntur, ut Gen. III: 15. Ubi Deus, diabolum

intelligens, serpentem alloquitur illique talia minatur, quæ hujus naturæ convenient, qualia sunt contritio capitis, gressio super ventrem, comedio pulveris, quæ omnia ex *Historia naturali* sunt explicanda: in hunc fere modum caput notat potentiam. Diaboli potentia in morte est Ebr. II: 14. Mortem autem abolevit Christus I. Cor. XV: 54. Venenum serpentiæ est in capite, peccatum est Venenum Deut. XXXII: 33. I. Joh. III: 8. ergo &c. Sic *Allegoria* Jacobi Gen. XLIX: 11, 12. lucem exspectat ex *Historia Naturali*, si clare intelligetur, quid in recessu habeant formulæ: Ligabit asinum suum ad vitæ, lavabit stolam suam in vino &c.

## §. X.

**V**ENimus nunc ad **HISTORIAM CIVILEM**, quæ *Hermeneuticæ Sacrae* triplicem potissimum utilitatem adfert, dum partim exhibet *complementa multorum vaticiniorum*, quæ in Sacris Litteris continentur, partim *miracula*, quæ ibi patrata leguntur, confirmat, partim etiam multa illustrat *oracula*, quæ ad ritus veterum subinde respiciunt, ex iisque explicationem exspectant. Duo priora genera nunc non vacat attingere, quippe cum brevità est studendum, & illa quidem ipsa magis ad *Polemicanam*, quam *Exegeticam Theologiæ* partem spectare videntur. Tertium igitur genus utilitatis hic breviter ostendisse sufficiat. Primum autem exemplum, quod hic aptum videtur adduci, extat Ez. XXXII: 27, & sic habet: Qui descendunt

scenderunt in sepulchrum cum armis suis & posuerunt gladios suos sub capitibus suis. Hæc verba explicanda sunt ex eo ritu veterum, quo arma dumcum una cum corpore tumulo inferre solebant, quod inter alios confirmat Plutarchus, cum Cimōnem incessisse narrasset cupiditateim ossa Thesei erudiendi, ἐνθέη, inquit, θύη μεγάλη σώματος αἰχμή παρεγκειμένη χαλκῆ καὶ ξιφός. Reperti sunt magni corporis loculi una adjuncta ænea hasta atque ense. Aliud occurrit Hab. I: 16. quod etiam ex Historia rituum quodammodo illustrari potest. Verba hæc sunt: immolat sagenæ suæ & sacrificat reti suo. Sermo hic est de Chaldæis finitimas quasque regiones occupantibus. Horum arma, quibus vicos debellabant, eleganti Metaphora nominibus instrumentorum piscatoriorum exprimit Propheta, idque, ut puto, ideo, quod proceres devicti populi Judaici secum in servitutem essent abducturi, relictis plebejis, haud secus ac piscaores sagenis majores pisces extrahunt minutis transilientibus foramina. Quod vero eos dicit, his instrumentis immolaturos & sacrificaturos, id explicandum arbitror ex more gentili, quo veteres arma bellica in numero Deorum vere habebant, quod satis confirmant hæc verba Justini Lib. XLIII: ab origine rerum pro Diis immortalibus veteres hastas coluere. Scythas acinaci sacrificasse testis est Lucianus in Tragœd. Cant. III: II. Mentio fit coronaë spirituali Regi Salomonis die nuptiarum a Matre impositæ, quod ne cui insolentius videatur dictum, verbo indicasse

juvabit, moris etjam olim fuisse sponsos corona nuptiali ornare. Id certe docet Afri Scriptoris tractatus de corona militari, qui Cap. 13. diserte dicit coronant & nuptiæ sponsos: & Apollinaris Lib. I: Ep. 5. Jam quidem virgo tradita est, jam corona sponsus, jam palmata consularis, jam cyclade pronauba, jam toga senator honoratur.

## §. XI.

**R**estat HISTORIA PHILOSOPHICA, cui jus usus jam verbo est attingendus. Non adeo multa sunt oracula, quæ hoc genus subsidii, necessario requirunt, interim tamen non prorsus defunt, quæ, si plene intelligantur, aliquid saltem lucis exinde exspectant: sic e. g. minus adparet, quid sibi velint nomina Sapientum Chaldaicorum קְרָטִים אֲשֶׁר מַכְשִׁיפִים כְּשָׂרִים Dan. II: 2. nisi ex *Historia philosophiae Barbaricæ* ostensum fuerit, quænam vera fuerit ratio studiorum in regionibus orientalibus. Illud hac occasione pro virili præstare adgredreremur, nisi res esset difficilior, quam ut paucis posset expediri, otiumque nobis fecisset D: n Dan. Juslenius in disputatione de *Daniele Propheta*, quæ in hac Academia triginta ab hinc annis prodidit. Alio igitur exemplo fidem iis, quæ diximus, facere decrevimus, quod nobis suppeditat *Historia Evangelica* Matth. II: 1. ubi mentio fit magorum, qui ex oriente Christum recens natum adoraturi veniebant. Hoc nomine non intelliguntur famosi artificii homines,

nes, qui præstigiis, beneficiis, & nescio, quibus  
diabolicis incantamentis passim magi appellantur, e  
quorum furfure fuerunt Ægyptii illi ιηγητεγηοι, qui cum  
Mose certarunt Exod. VII: ii. nec non Simon & Ely-  
mas, qui Apostolis sunt adversati A&t. VIII: 9. XIII: 8.  
sed potius homines docti & probi, ex eorum nume-  
ro, quos Cyrus Rex Persarum primus instituisse le-  
gitur apud Xenophontem Lib. VIII. instit. in eum fi-  
nem, ut rationem Deos colendi docerent, rerumque  
divinarum & humanarum essent studiosissimi & pe-  
ritissimi. Magum lingua Persica idem sonare, quod  
græca σοφόν & latina sapientem, eosque hoc no-  
mine vocari, qui circa sacra occupantur, ut sacerdo-  
tes recte dici possint testes sunt Porph. de abstin.  
Lib 4. & Apulejus in Apol. Hinc Cel. J. F. Bud-  
deus: Laudantur cum primis Persarum Magi ob di-  
sciplinam severiorem, temperantiamque & castitatem,  
ut & justitiæ & reliquarum virtutum studium. Ex-  
teriori cultu & auri usu sibi interdixerunt. Civilium  
quoque rerum admodum erant periti, nec ad rempu-  
blicam administrandam quisquam aptior Hist. Philos.  
Cap. III. §. 10. Atque hæc de usu Historiæ dixisse suf-  
ficiat. Constitueramus quidem adjicere nonnulla  
de usu Logices, sed quoniam ratio habenda  
est facultatum, hic pedem figere  
cogimur.

SOLI DEO GLORIA.



# Ell Herr AUCTOREN.

**G**uds dyra ord är likt en källa,  
Som ingen tid kan tömma ut.  
Deft rika ädrar altid svälla  
Tills jord och himmel ser sitt slut;  
De altid ymnogt watten gifwa,  
Och kunna aldrig täpte blifwa.

Dock fordras det, at den som öser,  
Bör brukka rätta öse-kar.  
Gwad hjälper des, at ädran poser,  
Om man ej krok och åmbar har?  
Då kan man stå wid sjelfwa brunnen  
I ögat våt, men torr om munnen.

Gaf tack min Wän, som lärde os brukta  
De käril, som I brukat sjelf!  
Nu ösa wi med edor kraka  
En lika saft ur nädens elf.  
Så ofta som vi detta giöra,  
Skall I ett tacksamt lof få höra!

Som sanning är den enda spegel,  
Swari I eder ständigt sedt;  
Som dygden är den enda regel,  
Swarpå I altid aktning gett;  
Så skola de ock eder gifwa  
Mehr gode, än jag förmår beskrifwa.

Lef wäl, min Wän, och njut den heder,  
Som wett och dygd förvärfwat har!  
Med witter slögd och täcka sedet  
I nu til drans tempel far,  
Der lagerlös och krantsar gröna  
Ex lärda hjeffa stola kröna.

ERIC BORGSTRÖM.